



按電言歐州北方之國即指瑞典與俄國而言也

德皇抵荷特電

○本坡實得力太晤士西報接到念三日英京發來特電云現在德皇業已駕抵荷國里士文京城云  
將為旅籍 ○海參威原有潛水雷船十四艘西本年元月又由俄國再到三艘時因堅冰未淡故未下水近來每日均有增派俄兵前來有一日而到有千名者現在該處共有俄軍四萬名日前曾有日本戰船一隊共十一艘在其口外遊弋前有遊泊該處之快船露西亞號近已修復時有出口試水據彼俄卒報稱日軍已由相距該處六十英里地方登岸該處所有舊日炮台均已一律修葺又復新築炮台甚多以資防守然以局外人視之竊恐該處不日必被日軍水陸夾攻不難為旅順繼也

和戰開評

○本日所錄英京電言歐洲四處紛紛傳說俄日議和一節尚屬難憑試觀十六日架刺吉打某西報所得英京電音曾言俄廷現在所最期望者係在波羅的海諸戰艦必欲再與日之艦隊血戰一場乃能定或和或戰蓋在俄廷之意以為波羅的海艦艦為數較多拚以兩船而攻日本一船則日之戰艦不難殲除淨盡是以必俟再決海戰乃定方針也然料東鄉司令原非土木偶人必已窺破俄之詭謀斷不允停莽與戰此次南來之故祇欲截緝運煤船倘與之遇或撈之而去或擊之使沉務使俄艦缺煤機力大弱然後迫而攻擊以期易奏膚功則俄將奈何

火災續耗

○前報小呂宋之宿務埠大火一節茲再得接琉球來札述稱此次被災最慘者係屬華商事緣貨物被焚均未預購保險而且此火係由唐人街所發云

外債攤還

○前報暹國近向英美兩京籌借外債一百萬金磅一節茲聞此款議定分作四十年攤還然而若過十年以後暹國倘欲一次清償亦無不可云

又招華兵

○奉天專函云日前某國擬在省垣招募華兵十營均編為馬隊為護守糧台鐵路之用什長每名每月給羌帖五十張正兵每名每月給羌帖四十張現已募得六百餘名云

南北設電

○北京政府欲保全南北洋海陸之聯絡使運動息息相通因特於南北洋中間創設一無線電信現已議決矣 譯大坂

朝日新聞

喜閱日報 ○中國 皇太后閱報皆令左右跪誦以耳代目前日誦京話日報之演說係勸各使館武官約束兵丁者大為激賞繼又恐開罪外人遂命內監諭該館主筆以後凡干涉外國之事切勿自占地步

停分道府

○去年鄂督張官保奏請停止鄂省道府分發一摺奉 硃批交部議奏茲聞部議可以照准惟部中核計通國道員不下數千半係捐納半係勞績保舉其中明敏之人固亦有之然胸無隻字粟麥不分者比比皆然不令至鄂勢必再往他省實非整本清源之道必須各督撫嚴核保舉之濫再將已到省者面予考試不堪造就者姑念其昔日報捐不易一概咨令回籍始可澄叙官方俟議復後即當詳陳安置通國道府之法

代募華工

○福州訪友函云日人入江金治近日來閩代遷西哥農業公司招募華工三百人前往種麻准其挈眷同行已與本省洋務局訂立約章然閩人皆不願往報者甚屬寥寥云

要求賠償

○潮州澄海湖頭市陳順和住屋因鐵路滋事被搶一案業經奉上憲札飭澄海縣核明匪單移交海陽縣着滋事鄉民賠補昨陳順和店東特至澄署面求杜大令大台以所報失贓十二萬餘元恐有浮開令再加核實自當照為移知辦理云

辦門續述

○潮州揭陽曾陳兩姓械鬥斃命一案茲探悉其械鬥之故係因曾某強奸陳姓之女陳姓大怒因出械鬥殺曾鎗斃曾姓數命此次鄭大令到鄉兩造震懼願罰款息事而大令欲令交兇繳械現此案尚未結云

輾轉未結

○漢口日報因年前慶安錢店一案迄仍未了結俄領事受道勝銀行之唆兩次照會關道第一次有主筆房索賄五百金方肯更正務請交出主筆科以應得之罪並將該報銷封禁云云第二次則云該報館聲言係張官保所開如更正須要稟准官保慶安之事與俄國商務大有關係即請官保從速更正並將上海各報一律代為更正張官保得兩次照會均飭關道據理駁回並嚴飭夏口廳速提慶安店主懲辦以顧全國體杜絕外人干預惟總撰述任革令承紀已屢受申斥矣

請禁騙拐

○潮州揭陽縣保全善堂各紳董具稟上憲以現時潮屬地方各年輕子弟多被匪人騙拐出洋請札飭地方各官出示嚴禁並添募勇丁在各口嚴密查緝等情上憲據稟已札飭惠潮嘉道查覆辦理矣

自辦鐵路

○潮汕鐵路開事後潮州紳士遂有集股自辦之議現聞已具稟岑督并指明該公司總理林麗生所認之股確有洋股在內願備足股份五十萬元以為贖回自辦之需不悉岑督如何辦理惟聞各紳持之甚堅一則憤林所為一則以原劃路線大礙墳墓欲改繞別地之故云

賠款述聞

○探聞鐵路開事案賠償損失一節議以廿五萬元了結已由潮汕鐵路公司與日人愛久澤甫哉訂立合約其中有謂庵





辭職風說 ○碣石鎮劉軍門永福近染手足糜爛之症去年曾在汕頭延醫調治不見效於初六日抵香港聞欲上省向大吏辭退云又聞劉烟癮頗重每日打荷以六人為輪班不使覺有間斷其斯所以為中國之武員也夫

法比合謀 ○現在法人暗與比國合謀學漢鐵路事宜日前該國公使已向外部直接交涉此事部中極為秘密其詳尙未探悉

練兵經費表 ○直隸 原派一百十萬 認解一百十萬 江蘇 原派八十五萬 認解一百六十一萬 多認七十六萬 浙江 原派五十萬 認解九十一萬四四 多認四十一萬四四 湖北 原派五十萬 認解五十三萬 多認二萬 湖南 原派四十萬 認解四十萬 雲南 原派二十萬 認解十二萬 少認八萬 河南 原派四十萬 認解二十萬 少認二十萬 江西 原派五十萬 認解三十萬 少認三十萬 陝西 原派三十萬 解認十五萬 少認十五萬 廣東 原派八十五萬 認解十五萬 少認七十萬 安徽 原派三十五萬 認解十萬 少認廿五萬 山東 原派五十五萬 認解十九萬二千 少認廿五萬八千 山西 原派五十萬 認解十萬 少認四十萬 甘肅 原派十萬 認解四萬 少認六萬 貴州 原派六萬 認解一萬 少認五萬 福建 原派四十萬 認解二萬 少認三十八萬 四川 原派八十萬 認解三十萬 少認五十萬 新疆 原派二十萬 解認十萬 少認十萬 按右

表原派銀八百四十六萬兩 認解銀六百十三萬六千四百兩 江浙鄂多認銀一百廿萬零四千四百兩 雲南等十三省少認銀三百五十二萬八千兩仍須設法如數籌解奉 旨依議

電致使臣 ○近日日俄對陣合兩國兵數計之不下百萬戰場延廣至七八十里之外為從來所罕見近日俄政府布告各國言日兵越過遼西有犯中立中國亦不守中立等語日本又布告各國言俄兵先越遼西中立之界又冒充華兵又招用馬賊又在中國中立界內私運糧食戰械大犯中立中國亦不能嚴守中立等語日前外部布告各國並電駐俄日兩華使飭其告知日俄兩國政府言俄日兩國皆犯中立我中國實係守中立請兩國政府各將侵犯中立之事禁止又照會駐京之日俄兩公使亦如此云云

擬簡大臣 ○近日俄人在西北邊省一帶陸續添兵勢力大見膨脹所到之地即將占領人心洶洶異常驚懼各大臣屢電告警北京政府除覆以嚴密防遏外別無良策昨有某京卿條奏請仿昔年東三省特簡西北練兵大臣細察邊情酌中駐鎮募練新軍以防不測云云

調任原因 ○察哈爾都統升允之調任閩督係出自 太后慈意并非政府諸公所擬請也 太后面諭某邸升允辦事雖係迂闊但于深知其忠誠極能認真現在閩省海防緊要必得實心任事大員前往等語故日前有升閩督之旨

請辦教案 ○駐京法公使接重慶法領事之報告稱四川省審遠府越馬地方時有哥老會匪出沒侵犯教民及教堂之事特向外務部交涉欲請清政府電飭川督錫良查辦教案譯大坂每日新聞

俄犯中立 ○日京電云俄國以為日軍出於奉天背後必為取道於蒙古因此通告各國謂日軍違犯中立日本政府於此卻將俄軍蹂躪中國主權之事實列為六事以答辯之 第一俄命其兵約二百名分駐庫倫徵發牛馬 第二俄軍小隊自開原附近入於蒙古內地 第三俄兵一隊與其所雇之蒙古兵共以三百輛車滿載鎗砲彈藥護衛之而通過蒙古出于小庫倫後為中國官吏所沒收 第四俄國為行前項之事特遣騎兵三百于東海以示威 第五遣騎兵三百名巡邏蒙古之和爾羅斯地方 第六從蒙古經過張家口以運送彈藥被中國官吏查出沒收之

庫倫歡迎 ○太晤士報云某俄報駐庫倫訪員報稱西藏達賴喇嘛近率其黨徒數千人至庫倫其行旅用駱駝二百隻馱帶此處人盼望已久故抵此之時雖天極寒冷而華官豪官寺僧官兵及店民等約二萬餘人皆出城數里迎迓抵城時復升炮致敬入城後即在豫先設備之一殿中居宿該處僧徒往問候其時蒙古圍境僧徒及貝加爾湖以北各僧徒皆來趨迎有西比利亞東部之喇嘛僧領袖多葉夫亦得俄官之允許遠道來迎雖藏例不准接見歐人然此次達賴喇嘛曾與一俄官叙談良久或謂喇嘛此次將往貝加爾湖附近之一大寺中或謂將往聖彼得堡

煤炭大缺 ○日本門司函云某輪船船長近由海參威抵此據言海參威地方需用煤炭甚鉅每年非一千萬墩不可益之船艦所需數亦頗巨向來該處所需劣炭多半係取給於薩哈連等處其餘長煤則向日本及英國購運日俄開戰以來輸送之途已絕近日俄人願出重價招人秘密輸送然多為日本兵艦所捕不能達其目的故近日海參威不惟糧食缺乏燃料亦缺乏非常

殺母駭聞 ○二十日檳城西報云昨日下午五下鐘左右義福街粵人楊某與其親生母梁氏並其假父黃某共食後乘其假父外出突持菜刀將其母肆斫傷流血倒地同居人救護不及急鳴英捕員拘拿入案其母亦經昇往醫院調治內容如何且聽下回續報

無微不至 ○日昨午車水戲園後街廣順號雜貨店東粵人何心田偕全店夥陸錦赴一號捕房報稱頃有全籍人陸榮來店購米五十斤值銀二元三角店夥負米同去及至某家陸榮携米登樓少頃復下邀店夥隨往取銀不料指顧之間已由歧路遁去無從追問及店夥回

店樓通即全前往某家查詢居人咸以不知為辭似此鬼域人情實難甘迫得赴捕報聞請為擊緝云云旋由捕房派出九號三番拘拿候交府訊鳴君子可欺以其方頁米同來至家給值本米肆交易常事况此區區之款項背相望步履相隨又豈虞其人之他遁耶而不意竟遭給騙者非意計中事也騙術至此可謂其細已甚而流毒商界無微不至則其罪一而已矣

**船戶盜米**

○前報一千零六十三號大船船戶閩人葉定何祥日前與土庫街和元號裝載米七十五包前往仙那火港船交付匪葉等將米包洞開小孔逐包盜出少許計被所侵蝕之米約四包有奇在該舟子方謂海闊天空中流容與固無知之者不料為四號廿三號四十九號等巡海差在甘公麻汝海面擊獲送府訊究日昨由官定讞該船戶葉何二人每各罰入獄六閱月

**同為粉累**

○日前三堂府憲提訊華人五名其中二名均犯私帶嗎啡違例之案其第四名係犯以嗎啡藥水與人刺警戒煙者當即訊明屬實分別示罰 第一名所帶嗎啡粉過于五牙蘭之外罰銀二百員不完改禁三月 第二名罰銀一百員不完改禁三月 第三名罰銀五十員不完改禁一月 第四名罰銀五十員不完改禁兩月 第五名無干摘釋

**劫案獲盜**

○前報四脚亭崗婦吳貞娘邱蓮娘家被匪十七名洞穿牆壁蜂擁而入搜括金器首飾值銀一千六百四十元赴捕報案並疑其婿洗長遠為盜引線已由差捕獲洗長遠及李同二名經府展訊在案日昨又由施排埔總差偕廿五號差在四脚亭附近再獲閩人何德慶一名逮案展期三十日乃鞫

**索賄了判**

○昨報六千五百十四號東洋車夫閩人陳清在華影實得力停車路旁三十九號車務局差以其礙道違例向陳索賄一毫始肯寢事陳獻銀與差為車務總差瞥見將該差拘案候訊今日由官判禁六禮拜

**攔途截搶**

○閩人黃德榮念三夜行經單邊街被全籍人洪天緣搶去大銀十餘元得手遁去黃隨往報一號捕房派出八號暗差前往長泰街門牌四十一號屋內捕洪候交府訊

**盜案二宗**

○潮人林賽經居住怒美芝路門牌一百七十一號開設泰泉烟館日昨下午兩點鐘被全籍人廖興盜竊一條值銀五元持往桂蘭街口大馬路大裕當店質款由林偵悉呼三號及一號二差拘廖入案查前犯案二次官判入獄二閱月○又閩人黃某昨夜十二點餘鐘在臬署前街盜水桶一具值銀四角由二百九十五號差拘案由官判禁兩月之獄

**大英新嘉坡國家示諭**

○大英新嘉坡國家 為招人投票事照得本國家現有車路七站意欲招人投票承充在此七站地方黏貼告白其承充之期係由西一千九百零五年裕來月一號起計訂以三年為期統計七站之地方廣一千五百丁方英尺均准黏貼告白為此示仰商民人等一體知悉汝等有欲承充此事者可於西一千九百零五年六月二十四號即華五月廿二日以前入票投交本署以憑選擇如欲知其詳細情形者每日辦公之時均可至里峇峇里律新嘉坡及吉蘭兒火車總寫字樓向司理人查詢凡投票者必須票筒寫明承充此事字樣以憑選擇至於棄取之權任由國家核奪不得執價低者得之說各宜踴躍特示  
大英一千九百零五年三月十三號 一 示 卅

**拆股聲明**

○啟者大坡漆木街門牌二百四十八號廣南發泉合生理原係去歲林泉記 陳勝合 林蘭記等合創向無異議茲因林泉記志圖別業願將名下股份退出與陳勝合承受愛請公親陳其清翁臨秉公核算明白該退股項議限一禮拜交領清楚并無帶欠則廣南泉合字號以去泉合二字以後交易惟廣南發字號為憑日後廣南發生理盈虧與退股人林泉記無干至林泉記有與諸寶號來往賬目揭借等項惟向經手是問與廣南發公司無涉先此聲明免滋後論此佈  
光緒三十一年二月廿五日 大坡廣南發謹啟 丑

**遺失合同聲明**

○茲者福生棧之生意今因股友何成德合同紙遺失故全股伴再做回一合同紙交回何成德收執存據倘日後有人執得舊合同紙或何成德尋回舊合同紙俱作廢紙特字聲明以免後論此佈  
光緒三十一年二月廿四日 福生棧股內人全啟 川

**捐冊照登**

○重修南堤鰲頭箭眼黃處尾儒士下張堤岸 萬成號題銀四百元 萬成順題二百五十元 年盛號題一百五十元 楊添發題一百五十元 利豐號 豐源號 炳利號 鉦和成 永元號 黃榮裕 以上各捐一百元 萬盛豐記 萬裕隆 長源號 以上各題捐銀八十元 廣仁昌 沈德記 以上各捐六十元 南盛號 裕發號 陳利源 源裕號 廣順昌號 沈慶豐 慶順隆號 萬順隆號 沈萬興 劉榮豐 劉榮利 吳再合 成利源 恒茂號 興昌號 兩豐號 永發順號 成興號 黃敬忠官 老爺 陳淑安官老爺 以上各捐五十元 萬利豐 吳再盛 以上各捐四十元 沈和合 新萬和 永成興號 以上各三十五元 榮泰豐號 沈怡成號 發興號 捷成號 榮泰號 怡南隆 永利順 以上各捐三十元 黃捷盛捐二十五元 黃義發 楊玉成 開陞號 振和號 萬盛發 榮源號 以上各捐二十元 合共三千五百元 陳達三官老爺題祖家灰五十桶 沈潛光官老爺題祖家灰五十桶 光緒三十一年二月廿四日 萬成號謹啟 丑

公益祥記舖內傢私什物全盆項與公益堂承受仍用公益加入除開張下吉三月初三日交易倘公益祥記有欠到各寶號貨項及揭借會担保等項到期與未到期者祈于交易以前向公益祥記郭英理明如遲自便開交易之後公益祥記生意盈虧與公益祥記舊人無涉其有欠到各寶號貨項准于交易日由舊人支結清楚至于有欠公益祥記貨賬者俱歸新人收理蓋回公益祥記圖章方為實據嗣後諸寶號相信做店取貨者須憑公益隆記唐番鵝卵樣圖章為據先此聲明免滋後論特此佈聞  
光緒三十一年二月廿三日 合益堂告白

合股聲明 ○啟者小坡竹仔脚第五十七號門牌協裕安號生理原係于張和用開設近日招到郭榮隆前來合股得失同沾不意郭榮隆擅在圖南日報刊登告白謂于張和用已將全盤生理頂與郭榮隆承受改號新恒隆等情殊堪詫異茲特登報斥駭于張和用實無協裕安號頂與他人此後來往賬目各項仍由協裕安號自理特此聲明以免後論  
光緒三十一年二月廿二日 張和用謹啟

苑盛催收賬項 ○啟者本號素蒙 諸寶號惠顧積欠頗多未蒙見惠茲訂一禮拜為期務望 諸寶號如數清還祈勿再緩致失交情為幸特此預聞  
光緒三十一年二月十九日 吊橋頭苑盛號謹啟

聲明告白 ○啟者本公司刻聞叻坡近有不法之徒私買下庄土油裝於象頭標油罐假為象頭標原油兌沽欺騙射利貽誤非輕本公司故刊告白通傳諸士商等知悉嗣後若有人以次油裝入象頭標罐冒充象頭標油發售者本公司查覺鳴官嚴拏究辦決無姑寬倘有人能知假冒之人來報者本公司自應厚謝專此佈聞  
光緒三十一年二月十八日 新嘉坡雙傑美公司謹白

啟者本公司特此通知 諸士商欲用第一等



耶美嶺祖家灰發售

之祖家灰必須採 購耶美嶺之祖家 灰請認以上所刊 標頭為記  
西一千九百零五

年三月廿二號 新嘉坡代理福蘭公司謹啟

遷店告白 ○茲本公司擇定本月十五日移住玻璃後街門牌第二十二號及二十三號即前和祥公司之店是也 諸君光顧者請到玻璃後街是禱特此佈聞  
光緒三十一年二月十二日 和和有限公司啟



胃騙宜知 ○啟者本號在叻開張數十餘年發賣烟絲向求精美專揀選上等地道烟葉配製素蒙 士商稱許遠近馳名不意近有無恥之徒將下等低貨假冒本號招牌字樣以圖魚目混珠從中影射經被本號查出捉拿交官經於六月初三日在巡理府正堂承兩府尊審既定案判以下等低貨冒充上等字號之烟作為假冒招牌希圖煽騙定讞立將此烟照例毀滅以免混亂嗣後倘有人辦烟來叻仍敢冒用朱廣蘭字號或祇用廣蘭字號等樣印在烟包上及烟箱外面一經本號查明定必解官究辦將該貨銷毀其作偽之人以及代為存貯該貨之人均皆控告歸案以俟嚴懲特此佈告  
光緒三十年六月十六日 丑一 朱廣蘭啟

為母須知 ○蓋聞天下子女失於調養者多矣今夫人只言我子女體弱缺血而不知用心調養徒言缺血有何益哉不但天下萬千子女患血虛色白者不少甚至體虛而桃夭愆期嘆之晚矣夫體既虛則病易生體虛安能拒重病乎有是患必須早除不除則病漸入膏肓如蔓草之不可除豈不悲歟凡病乃居家大不祥之事然病必有藥何愁為患惟恐未得良方為患耳故為母須知黃浦先生所製單方試之於子法未經旬即見其身體日壯氣血日增矣 ○黃浦先生單方好食如蜜療病如神其性溫和其品係魚肝油精糖水和麥芽精野櫻果配製而成專治面黃體瘦血竭血枯經水失調瘰癧核症骨節酸軟飲食不進咳嗽肺癆血疾各症天下更無別藥可與全日壽也 ○我美國他君常用此藥以治各症應驗如神小子甚喜食之其裨益實難盡述早用是藥病必早除可免老年病魔纏身若用此藥一服即能見效幸勿懸疑 ○藥性 魚肝油精 此精無油味專治肺癆核症 ○輕養燐養 治癆虛弱體瘦偏風缺血四肢無力 ○麥芽精 能開胃補身補骨並治咳嗽 ○野櫻 治咳嗽肺病筋骨不舒 ○大美國黃浦先生公司考製 大樽重十六兩價二元五角 小樽重六兩一元五角 各藥房亦有代售 大英一千九百零五年三月十八號 新嘉坡土庫街門牌十四號孟嘉大藥房發售

粵東羅浮山撥雲寺創自晉景泰禪師唐金華和尚重建明黃進士官河源台後隱居號如泉又復興撥雲其徒雲峰悟道仙去徒孫崇凡伏龍降虎相繼飛昇寺前有圍屏五馬旗鼓臺魚磬諸峰故代出仙佛即明之嘉靖國師沐塵亦寺中長老也然景泰至如泉興敗數見如泉至今二百餘載道場又復傾頹微納特承師叔意寧之命到叻募化捐題欲繼祖師之志免埋古佛之踪抵埠經謁 總領事鳳大人暨英官 前署理華民政務司辛達士大人均荷垂青贊成善舉故敢竭誠合什遍告檀那敬懇 盛舉紳商同存樂善之心大施護法之力異日光生佛塔何殊金布祇園行滿諸天自是福歸檀越矣此佈  
光緒三十一年二月十二日 撥雲寺衲述蓮和南謹白

# 司各脫

司各脫  
滋補鰵魚肝油



此藥能治一切虛弱之症，如肺癆、咳嗽、吐血、氣喘、失音、喉痛、小兒疳積、婦女經閉、產後失血、以及一切貧血、衰弱、神經衰弱、失眠、健忘、頭暈、眼花、腰酸、背痛、手足麻木、精神不振、食慾不振、消化不良、便秘、痔瘡、脫肛、疝氣、以及一切虛弱之症，服此藥後，無不立見奇效。此藥乃由名醫精心研製，藥力宏大，功效神速，誠為補身之聖藥也。凡欲購者，請認明魚商標為記，庶不致誤。

以上所刊司各

脫鰵魚肝油之

標頭此油功用

甚多觀之便悉

大英一千九百零四年八月廿二號 慕娘公司啓

上海香港置業按揭積聚有限公司情形 ○上海香港置業按揭積聚有限公司創設於一千八百九十八年專做購置地段建造屋宇按揭銀兩積聚生息之生理此項生理在東方各通商口岸從未有人辦過該公司其嚆矢也原創股東實備資本銀二十萬兩一千八百九十八年五月一號生理始創時僅上海銀八千兩第一年底計有上海銀五萬五千七百一十五兩第二年底計有上海銀一十六萬八千八百五十三兩第三年底有上海銀四十萬七千八百六十二兩第四年底有上海銀五十九萬三千一百二十二兩第五年底有上海銀六十六萬一千三百二十五兩一千九百零三年八月一號已有一百萬圓之譜四年間所獲利息更有一分六釐計算即此已足見其興旺情形蒸蒸日上凡在東方各處之公司其振興之速獲利之豐當以該公司為首屈一指去年更在本坡及檳城設立代理人即吧智仲西蘭公司為之代理前舉名望華商四位共為董事即陳君若錦余君連城邱君羅賓林君天蔚是也聞吧智仲土庫及該土庫之實地靈呀級沙叭級西蘭宜目勝蘭土庫之級密衛陳君若錦烟酒公司之陳君謙福滙豐銀行之薛君有文萬國銀行之宋君金榜渣打銀行之蕭君捷麟陳君佛源暨該公司之華人董事等均佔有該公司股份從此不獨上海香港利權為該公司所及即本坡檳城暨南洋羣島亦為該公司利權所到似此微特生理穩妥亦且商務宏遠而所訂積蓄銀兩按年交納及期償還之法附儲之人不但得有利息且獲溢利此尤聯合利與眾同之意其積蓄銀兩之法依期交附每股定銀十二元以八年為期或以十年為限或以十五年為限或以二十年為限譬如寄存一百股每年該銀一千二百元八年共銀九千六百元十年之憑單期滿之時價值一萬二千六百四十五元三角另加預計溢利六千一百八十六元三角共銀一萬八千八百二十七元二角十五年之憑單期滿之時價值一萬七千八百五十一元六角另加預計溢利一萬五千二百八十四元七角共銀三萬三千一百三十六元三角二十年之憑單期滿之時價值二萬四千九百四十八元另加預計溢利三萬三千六百零四元六角共銀五萬八千五百五十二元六角其善權子母積少成多真儲蓄最良之法也聞該公司自去年設立代理人以來附儲者已不乏人如陳君若錦賢喬梓及余君連城邱君羅賓林君天蔚陳君恭錫陳君謙福薛君連錫等均有附儲生息此外人眾太多不能備錄按此蓄積生息之法不但宜於富裕之家即贏餘公款需撥存項或欲給子女之費及食力之輩年中瞻餘皆可附儲生息即能積少成多以備不虞之用度況該公司尤極穩當與寄存銀行無異其利息之厚比之銀行猶如霄壤有意積蓄者可免躊躇也何以見其生理穩當該公司之營業現在上海有地三十五畝已撥十

二畝建屋三十八間尚餘地段二十三畝欲添建屋宇六十間價值三十萬兩俟此屋宇告成之後擬在香港及本坡等處大加擴充購置屋宇聞上海產業謝君詩屏遊滬時曾經目親乃在通衢大道闊闊駢闐之區異日價值何止倍蓰云該公司在香港廣東省城天津芝罘漢口小呂宋及各荷蘭州府俱設有分局其生理穩當商業宏遠實非一人之私言即謝君詩屏梁君仁甫陳君卓梅劉君鑄伯均有函獎譽其生理之穩固經理之盡善此固無待贅述 諸君如欲查察該公司一切詳細情形者祈請到吧智仲土庫向該公司之南洋分局總經理人總吧智仲詢問便知并可取閱上海滙豐銀行辦席君正甫和蘭國銀行買辦虞君洽卿及慎裕公司朱君葆三之原信以示不虛

大英一千九百零五年正月六號

新嘉坡代理人吧智仲西蘭土庫謹啟